



Notitia Congregationum Et Tribunalium Curiæ Romanæ

Plettenberg, Hunold

Hildesii, 1693

§. 6. De tribus modis eligendi Pontificem & de ejus electione.

[urn:nbn:de:hbz:466:1-63032](#)

23. Hinc tanquam putida fabula reperienda est, quam nonnulli præsertim Novatores, ut Magdeburgici Centuratores Cent. 9. c. 20. Jo. Carion. lib. 3. Franciscus Junius *Controv. 3. lib. c. ult.* Michael Stifelius aliquique plebi obtrudunt, fuisse Romæ fœminam in Summum Pontificem electam; Totam enim fabulæ hujus molem copiose & valenter dejecrunt Onuphrius in *Platinam*, Bellarmenus *l. 3. de Rom. Pontif. c. 24.* Baronius *tom. 10. Annalium*. Florimundus Remundo Georgius Scherer. Nicolaus Serarius aliquique, atque etiam plures hæreticorum Viri doctissimi imposturam han confutarunt, ut etiam hæreticos pigeant non tam investi hujus mendacii, quanquod putide sint convicti, inquit Possvinus in apparatu.

§. 6.

De tribus modis eligendi Pontificem, & de ejus Electione.

1. *Certa forma servanda in hac Electione à iure non est tradita.*
2. *Per Constitutiones vero Pontificias triplex est introducta.*
3. *Prima per inspirationem.*
4. *Secunda per Compromissum.*

5. Aliquando etiam per Compromissum mixtum cum Scrutinio.
6. Tertia per Scrutinium & Accessum.
7. Quis illius auctor.
8. Modus, quo fiat Scrutinium. ubi, & in quo habitu id faciant Cardinales.
9. Decanus primo die celebrat, reliqui prestito juramento communicant.
10. Reliquis diebus celebrat Sacrista.
11. Scrutinii actiones sunt tres.
12. Ante-Scrutinii qui sint actus.
13. & 14. Schedularum magnitudo, & forma.
15. Extractio Scrutatorum, & Deputatorum pro votis infirmorum.
16. Schedularum scriptio.
17. & 18. Schedularum complicatio.
19. Schedularum obsignatio.
20. Qui sint actus Scrutinii.
21. Delatio Schedulæ ad altare.
22. Si quis eum deferre ob valetudinem non posset, ultimus Scrutator deferte.
23. Infirmi in cellis suis, quomodo suffragium ferant.
24. Schedularum permixtio.
25. Schedularum numeratio.
26. Publicatio Scrutinii.
27. Schedularum in filum insertio.
28. Post-Scrutinii qui sint actus.
29. In accessu quæ sint observanda.

30. 31. 32. 33. Secutâ electione per scrutinium
& accessum quæ fiant.
34. Numeratio suffragiorum.
35. Recognitio.
36. Combustio schedularum.

1.

Porro certa forma in electione Romana Pontificis servanda à Jure communni non est tradita, ideoque si quæ statuta in electione non observentur, non propterea irritus censetur actus, dummodo consensus duarum partium adsit, prout recte colligit Innocentius ex cap. Licet de Elect. cum ait: *Non est hic alia forma ex necessitate servanda, immo quocunque modo appareat duas partes consenserisse in aliquem tanquam in electum, jus habet, & verus Papa est.* Quod etiam plures alii notarunt apud Barb. Jur. Eccles. l. 1. c. 1. n. 84.

2. At vero per Constitutiones Pontificum maxime Gregorii XV. *Aeterni Patris & Urbani VIII. Ad Romani & consensum Cardinalium eligentium, tribus modis fieri potest electio, nimis unum: per inspirationem, per compromissum, per scrutinium & accessum.*

3. Primum modum explicat Cæromoniale ex mandato Gregorii XV. compo-

situm

situm ab eoque confirmatum his verbis:
 Primus modus est, qui quasi per inspirationem vocatur, quando scilicet omnes
 Cardinales quasi afflati Spiritu sancto
 aliquem unanimiter, & viva voce
 Summum Pontificem proclamant; circa
 quem modum ex Constitutione Gre-
 goriana infra scripta notari possunt.
 Primo, haec forma electionis practicari
 potest solum in Conclavi, eo clauso.
 Secundo, debet fieri electio secundum
 hanc formam ab omnibus & singulis
 Cardinalibus in Conclavi presentibus.
 Tertio communiter & nemine eorum
 dissentiente. Quartò, nullo praecedente
 de persona speciali tractatu, & per
 verbum Eligo, intelligibili voce prola-
 tum, aut scripto expressum, si voce non
 possit proferri. Exemplum autem hujus
 potest esse hujusmodi: Si aliquis Pa-
 trum clauso Conclavi, nullo, ut prefer-
 tur, praecedente speciali tractatu diceret:
 R. D. perspecta singulari virtute & pro-
 bitate R. D. N. judicarem illum eligendū
 esse in Summum Pont. & ex nunc
 ego ipsum eligo Papam. Deinde hoc
 audito, si ceteri Patres, nemine ex-
 cepto,

cepto, sequentes primi sententiam, idem verbo, *Eligo*, intelligibili voce plato, aut si non potest in scriptis expresso eundem N. de quo nullus explicitis tractatus præcessit, communiter elegent, ipse N. esset Canonice electus & verus Papa secundum hanc electionis formam, quæ dicitur per inspirationem, seu, ut in sacris Canonibus scriptum est, quasi per inspirationem.

4. Secundum modum idem Cæremoniale exponit verbis sequentibus: Secundus modus est, Compromissum, quando scilicet Cardinales ad electionem per hanc formam, seu quia procedere videntes, committerent aliquibus ex Patribus eligendi potestatem, ut omnium Ecclesiae Catholicae providerent de Pastore, cuius formæ praxis potuisse hujusmodi: Primo omnes & singuli Cardinales in Conclavi clauso presentes, nemine eorum dissentiente, aliquo ex Patribus compromissum faciunt, exempli gratia, in hanc formam: In nomine Domini, Amen. Anno ejusdem, &c. mense &c. die &c. No Episcopi, Presbyteri, & Diaconi S. R. I. Cap.

Cardinales omnes & singuli in Concla-
vi existentes, videlicet N. N. (Et sigilla-
tim omnes nominentur Cardinales)
elegimus & eligimus per viam procede-
re compromissi, & unanimiter, & con-
corditer nemine discrepante Compro-
missarios N. N. & Cardinales &c. quibus
damus plenariam facultatem & po-
tentiam providendi S. R. E. de Pastore, &
sub hac forma, videlicet, (*hic optimum*
erit, ut Cardinales Compromittentes
exprimant modum & formam, secun-
dum quam Compromissarii debebunt eli-
gere, & secundum quam electus debet
censeri verus & legitimus Papa, ne
puta, si electi sint tres Compromissarii,
declarandum est, an ad hoc, ut electio
sit valida, prius proponere debeant
sacro Collegio personam, vel personas
ab ipsis nominandam, seu nominandas
ad Pontificatum, an vero absolutè de-
beant electionem peragere, an omnes
tres debeant convenire in unam per-
sonam, an vero sufficiat quod duo in
unam concordent, & an debeant nomi-
nare aliquem de Collegio, vel etiam ali-
quem extraCollegium, & alia his similia)

G 2

Qui-

100 De electione Pontificis.

Quibus addi solet tempus quamdiu ve-
lint Cardinales potestatem habere eli-
gendi Compromissarios, & postea sub-
junguntur hæc verba: *Et promittimur*
nos illum pro Romano Pontif. habitu-
ros, quem Domini Compromissarii se-
cundum formam predictam dixerimus
eligendum.

5. Potest etiam Electio compromis-
soria fieri limite, hoc est per compro-
missum cum scrutinio mixtum, nimi-
rum si ita Compromissum fiat, ut Com-
promissarii ipsi exquirant vota singulo-
rum, illumque eligant, in quem majo-
& senior pars consenserit secundum
Constitutionem Innocentii III, de qua
in cap. Cum dilectus de elect. quæ revoca-
non fuit per Alexandrum III, in Conc.
Generali anno 1215, ut declarat Boni-
fac. VIII. in c. Cum expedit 29. de Elet. il-
6. & in c. Si cui 37. ead. Per tale Compro-
missum electos esse Clementem IV. an.
1265. Gregorium X. an. 1271. & Joa-
nem XXII. an. 1316, tradit Barb. jui
Eccl. lib. I. c. I. n. 96. & hunc Joannen
XXII. compromisso in ejus personam
facto, ferunt se ipsum elegisse, eam
que ob causam compromissum deinceps
in desuetudinem abiisse.

6. Ter



6. Tertius modus est scrutinium & accessus. Scrutinium est inquisitio votorum eligentium, seu suffragiorum collectio. Boët. Epo. l. 1. de Regal. n. 210. ad hoc plura requiruntur juxta cap. Quia propter de Elect. 1. Ut Scrutatores sint tres. 2. Ut sint de Collegio. 3. Ut sigillatim & separato vota exquirant. 4. Ut vota publicentur. 5. Ut omnes eligentes congregentur in unum ; In Camera enim dari non potest votum, nisi ab ægroris e. In Genes., de Elect. 6. Ut tres Scrutatores elegantur qui vota singulorum secrete & sigillatim exquirant, & in scriptis redacta mox publicent. 7. Ut is valide censeatur electus, in quem vel omnes, vel duæ ex tribus partibus consenserint, in quibus tamen electi suffragium non numeretur.

7. Scrutinii & Accessus Author fuit Alexander III. in Concilio Lateranensi anno 1179. Scrutinium autem fieri solet bis de die, semel ante prandium post Missam, & semel vespere d'cto Hymno : *Veni Creator Spiritus.*

8. Modus eligendi Papam per Scrutinium, qui nunc ordinariè observari solet, est ejusmodi : Primo die postquam obseratum est pridie Conclave mane

dato signo campanula Cardinales omnes qui sunt in Conclavi, nisi infirmitate impediantur, induit longis vestibus, seu palliis crocei coloris, anteriore parte apertis & circa collum crispatis, quae *croceas* appellant, in capella Paulina, ubi Eucharistia asservatur, conveniunt.

9. Congregatis omnibus Decanu Collegii Missam celebrat de Spiritu sancto, in qua ordine inter se servato bini & bini cum stolis albi coloris pendentibus ante pectus, si sint Sacerdotes, si vero Diaconi fuerint, defluentibus ab humero dextero versus latus sinistrum accedunt ad altare, & praestito juramento de servandis Bullis juxta formam Concilii Basiliensis *Seff. 23.* Sanctissimum Eucharistiæ Sacramentum de manu Decani sumunt; Ac deinde lectis Bullis Pii IV. *In eligendis,* & duabus Julii II. consident in subselliis suis juxta ordinem consuetum.

10. Reliquis vero subsequentibus diebus usque dum novus Papa sit electus, celebrat sacrum pro electione Romanorum Pontificis mane ante Scrutinium Sacrista, cui serviunt duo Magistri Cærimoniarum, quorum unus debito tempore defert instrumentum pro osculo Pacis

ad

ad Capita Ordinum Collegii præsentis.


11. Considentibus suis locis ordine Cardinalibus proceditur ad Scrutinium, vel ad Scrutinium & Accessum per suffragia secreta. Continet vero tres actiones unam quæ *Ante-Scrutinum*, altera quæ *Scrutinum*, & tertia, quæ *Post-Scrutinum* appellari potest.

12. Ante-Scrutinii actus sunt: Præparatio Schedularum Scrutinii, & Accessus; Extractio Scrutatorum pro votis infirmorum per sortem; Scriptio Schedularum Scrutinii; Earum complicatio, & obsignatio.

13. Schedularum præparatio ad Magistrum Cæmoniarum pertinet, qui eas impressas, vel certe unius manu scriptas tam pro Scrutinio, quam pro Accessu ponent in duobus discis, quos in mensa ante Altare collocabunt.

14. Schedularum longitudo erit unius fere palmi, latitudo vero dimidii palmi. In anteriori earum parte seu facie tria contineri debent. 1. in superiori parte secundum ejus latitudinem, duo hæc verba: *Ego Card.* cum tanta ab invicem distantia, ut inter ipsa, nomen proprium Cardinalis eligentis scribi possit, & paulo inferius duo circuli parvi ad loca Sigil-

gillorum indicanda. 4. In medio conti-
neri debent hæc verba: *Eligo in Sum-
mum Pontificem Reverendiss. D. meum
D. Cardin.* 3. In parte inferiori alii duo
parvi circuli ad loca sigillorum similiter
demonstranda. Forma schedulæ Accessus
eadem est, quæ Scrutinii, nisi quod loci
verborum: *Eligo in Summum Pontifi-
cem Reverend. D. meum Card. ponantur*
hæc verba: *Accedo Reverendiss. D. mei
Cardinali.* Quæ facilius ex infra scriptis
figuris percipientur,



Exem

Exemplum faciei Schedulæ Scrutinii.

Ego	Card.
O	O
Eligo in Summum Pontificem Rev. D. meum D. Cardin.	
O	O

Ego	Card.
O	O
Accedo Reveren. D. meo Ego	Card. D.
O	O

In exteriori parte Schedularum tam Scrutinii quam Accessus imprimendi sunt duo limbi, quos Itali *Fregi* nominant, quorum uni inscribitur verbum, *Nomen*, alteri verbum *Signa*, quod fit ad obscurandum diaphanum paginarum, ne scilicet lumen, nomina & signa eligentium conspici possint; Clariora haec reddit supposita figura.

Exemplum tergi Schedularum Scrutinii & Accessus.

❖ Nomen ❖
❖ Signa ❖

❖ Signa ❖
❖ Signa ❖

15. Secundus actus Ante-Scrutinii est extractio Scrutatorum, & Deputatorum pro votis infirmorum, quæ extractio sorte facienda est, hoc modo: In saccula aut vase publicè ponantur tot Schedulae, vel spherulæ ligneæ palam numeratae, quot sunt Cardinales in Conclave cum eorum nominibus: Deinde per ultimum Diaconum extrahantur, primo Scrutatores tres, & postea tres Deputati pro votis infirmorum, qui infirmari appellari solent; Quod si in extractione Scrutatorum, infirmiorum, ac etiam Recognitorum, de quibus infra extracti fuerint Cardinales, qui ob infirmitatem, aliudve impedimentum muneribus illis satisfacere non possint, alii non impediti loco illorum extrahantur.

16. Tertius actus Ante-Scrutinii est Schedularum scriptio, quæ fit hoc modo: Ad duas vel plures parvas mensas, quarum erunt cum atramento & calamis paratae in loco Capellæ apto, ut videri ab aliis non possit quid scribatur, accedent Cardinales per ordinem, incipiendo à Decano, ibique sedentes in scabellis paratis schedulam quisque suam acceptam prius ex disco, scribat hoc modo: Primo in pri-

ma

ma parte in spatio inter verba : *Ego Card.*
scribet proprium nomen illius , quem eli-
git , charactere tamen , quantum fieri
potest , alterato , ne manus scribentis
dignoscatur ; Caveat vero , ne plures in
eadem Schedula scribat , quia suffragium ,
juxta Constitutionem Gregorianam , esset
nullum . In tertia vero parte signa , hoc
est numerum aliquem , & sententiam
S. Scripturæ seu verbum , vel quid simile ,
prout in subjecto exemplo videre licet .

Exemplum Schedulæ Scrutinii scriptæ.

*Ego Joannes Card. de
Goessen.*

O

O

*Eligo in Summum Pon-
tificem Rever. D. meum
Card. Anton. Pignatelli.*

O

O

*12. In nomine Patris , &
Filii & Spiritus Sancti .*

17. Quar-

17. Quartus Actus Ante-Scrutinii est Schedularum complicatio, quæ, ut expeditius peragi à Cardd. valeat, poterit a Magistris Cæremoniarum, cum eas præparant, in huc modum fieri: Binant plicaturæ ex utraque parte cujusque Schedulæ, ita ut nomen eligentis & signa cum fuerint scripta, manente extacta ex utraque parte à limbis; Deinde quod reliquum est, ita complicetur, ut Schedula fere ad latitudinem pollicis redigatur.

18. Cæterum Magistri Cæremoniarum Schedulas non complicatas, sed explicatas, & cum cera rubra in parvæ circulis ponent in discis, & Cardinale postquam iis scribenda inscripserint, eusque solum plicabunt, quo nomen & signa eligentis tegantur, reliquas autem plicaturas tunc facient, cum schedulas obsignaverint.

19. Postremus actus Ante-Scrutinii est Schedularum obsignatio, quæ facienda est ab unoquoque in tergo Schedularum cum sigillo ad hoc parato in loco parvorum circulorum, ubi cera fuerit posita. Sigillum vero non debet esse solitum Cardinalis, sed aliud simplex quod facile notari possit, veluti, si in Sigillo sculpantur aut tres numeri, aut tre

literæ, vel literæ & numeri, vel una
tantum imago:

20. Secunda actio est Scrutinium, in
qua octo agentur: Delatio schedulæ
præstatio Juramenti, positio schedulæ
in Calicem, Schedularum mixtio, ea-
rūm numeratio, Scrutinii publicatio,
Schedularum in filum insertio, Earumque
depositio seorsum.

21. Delatio Schedulæ fit modo
sequenti: Quilibet Cardinalis propriam
schedulam, postquam illam scripsit, ob-
signaverit, & complicaverit, duobus pri-
mis digitis sumet, & elevata manu pa-
lam, deferet ad Altare, penes quod stant;
Scrutatores, in quo est calix magnus
ad recipiendas Schedulas paratus, & pa-
tena coopertus, ibique genuflexus, ali-
quantulum orabit, deinde surgens, alta
& intelligibili voce, jurabit in hanc for-
mam, quæ in tabella super Altari posita
descripta habetur: *Testor Christum Do-
minum, qui me judicaturus est, me eli-
gere, quem secundum DEUM judico
eligi debere, & quod idem in accessu
praestabo.* Post hæc Schedulam in pate-
nam ponet, & per patenam mittet in Ca-
licem, quo facto, inclinabit se ad Al-
tare, & ad suum locum revertetur.

22. Si ob infirmam valetudinem Cardinalis accedere ad Altare non possit, & præsens sit in Capella, ultimus Scrutator discum eum Schedulis ad eum defteret, ex quo Cardinalis infirmus, unan accipiens, eam in loco suo secretè conficeret, deinde prævio juramento prædicto, schedulam obsignatam, & complicatam eidem Scrutatori tradet, quem palam deferet ad Altare, & sim oratione, & juramento in patenam ponet, & per eam in calicem mittet.

23. Si vero aliqui Cardinales infirmi sint in suis cellis, tres Cardd. Infirmary ad eos accedent cum capsula altitudinis unius palmi, in cuius Superiori parte sit rima seu foramen, ejus magnitudinis, ut per illud schedula complicata possit per suam latitudinem in capsulam transmitti; Quam capsulam, antequam Scrutatores Infirmary tradant, palam aperient, ut cœteri Cardinales possint eam inanem, & vacuam conspicere, deinde claudent, & clavem ponent super Altare; Postea Infirmary cum capsula clausa, & cum parvo disco tot schedulas continent, quot sunt Infirmi Cardinales, ad unumquemque eorum accedent, & infirmi acceptas ex disco schedulas secretè scribent, obsignabunt, & com

complicabunt, & prævio dicto juramento, in capsulam per rimam mittent. Quod si infirmi scribere non possint, alii eorum arbitrio deligendi, præstito de secreto servando in manibus Infirmiorum juramento, prædicta facient; Hi vero non solum juramenti vinculo tenentur servare secretum, sed etiam in excommunicationem latæ sententiæ, si contrafecerint, incurrent. His peractis, Infirmarii ad Capellam revertentur cum capsula, quam Scrutatores aperient, & schedulas in ea contentas, palam numerabunt, & tot repertas, quot sunt infirmi, ponent sigillatim in patenam, & per patenam simul omnes in calicem. Ne autem nimium protrahatur actio Scrutinii, Infirmarii poterunt proprias schedulas post Decanum confidere, & in Calicem ponere, deinde dum cæteri Cardd. Scrutinium agunt, infirmos adire ad accipienda eorum suffragia.

24. Schedularum permixtio fit per primum Scrutatorem, Calice, in quo ipsæ schedulæ positæ fuerunt, patena coperto, pluries agitato. Deinde fit palam numeratio schedularum per ultimum Scrutatorem, capiendo sigillatim unamquamque schedulam.

H

25. Nu-

25. Numeratio schedularum fit palam per ultimum Scrutatorem, capiendo sigil latim unamquamque schedulam ex calice, eamque ponendo in alium calicem vacuum ad hoc paratum. Quod si numerus schedularum non respondeat numero Cardinalium, omnes comburendae sunt, & procedendum est ad novam suffragia; Si vero numerus schedularum respondeat numero Cardinalium, publicantur suffragia.

26. Fit vero publicatio Scrutinii per Scrutatores, qui sedent ad mensam ante Altare positam hoc modo: Primus Scrutator accipit unam post alteram schedulam, eamque intactis sigillis explicat, & mezzo electi nomine, schedulam tradit secundo Scrutatori, qui perspecto patinam riter electi nomine, eandem tradit tertio electori, qui alta & intelligibili voce legit nomen electi, ut omnes Cardinales presentes notare possint suffragium in folio impresso, quod penes se habebunt cum non minus omnibus Cardinalium, juxta nomen Cardinalis ex schedula recitati runt. Quod si in Scrutinii publicatione, invenerint Scrutatores duas schedulas ita vel complicatas, ut ab uno tantum datas rursum fuisse appareat, siquidem unus & idem bus in utraque electus fuerit, schedulæ valentur.

lebunt, & notabuntur pro uno suffragio,
si vero diversi fuerint nominati, neutrum
suffragium validum erit, prout in Bulla
Gregoriana statuitur de illa schedula, in
qua plures nominati sunt; Scrutinium ta-
men neutro casu vitiatur.

27. Postquam ultimus Scrutator unam-
quamque schedulam perlegit, inserit eam
in filum, quod cum acu paratum habet,
in loco ubi est verbum: *Eligo*, quod
ideo fit, ut schedulæ cautius conservari
possint. Insertis in filum omnibus sche-
dulis, capita fili nodo connectit idem
ultimo Scrutator, & schedulas sic colli-
gatas, in alium calicem vacuum, vel in
mensa seorsum ponit.

28. Tertiæ actionis, quæ *Post-Scru-*
tatio patinum appellata fuit, tres sunt actus, si
lit ter secuta fuerit electio per scrutinium, vi-
git no delicet: Numeratio schedularum, Re-
ræsen cognitio suffragiorum, & schedularum
lio im combustio. Si vero per Scrutinium non
im no sit secuta electio, actus sunt septem, vi-
cta no delicet: Accessus, Sigillorum & signo-
citatrum apertio, eorum annotatio, suffra-
giorum examen, suffragiorum Scrutinii,
las ita vel Scrutinii & accessus numeratio, eo-
datas rum recognitio, & schedularum com-
idem bustio.

29. In Accessu, qui immediate fit post Scrutinium, si per illud non fuerit creatus Papa, omnia servanda sunt à Cardinalibus, quæ in Scrutinio observari debent, exceptis his infra scriptis: Primum quod Cardinales schedulas pro accessu sumere debent ex disco schedularum accessus. Secundò in schedularum accessu scriptione, si Cardinalis nemini velit accedere, scribit in media Schedula *Nemini*, loco nominis Cardinalis, qui scribendus esset, si ad eum fieret accessus. Schedula autem accessus scribi & ob signari debet cum eisdem sigillis & signis schedulae Scrutinii, sub poena nullitatis suffragii ipsius accessus. Tertiò, quod non potest accessus fieri ad eum Cardinalem, in Scrutinio saltem unum suffragium non obtinuerit, neque ad eum, qui ab ipso met Cardinali fuit in Scrutinio nominatus. Quartò quamvis in accessu non liceat plures nominare, sicut non licet in Scrutinio plures eligere, sub poena nullitatis suffragii, tam in accessu, qui in Scrutinio; Nihilominus licebit accedere uni ex pluribus nulliter a se non nominatis in Scrutinio, dummodo ei ab aliquod suffragium, non tamen nullum in ipso Scrutinio datum fuerit. Quintò, quod in accessu non præstatur iuramento.

mentum, quia in Scrutinio fuit jam præstitum. Sexto, denique Infirmarii deferre debent ad infirmos schedulas accessus, & simul etiam unum solium impressum, in quo sit notatus suffragiorum numerus palam recognitus, quæ quisque Card. in Scrutinio nominatus, obtinuerit.

30. Porro Sigillorum, & Signorum apertio, eorum annotatio, suffragiorum examen, qui Post Scrutinii actus locum solum habent, quando secuta est electio per Scrutinium & accessum, fieri debent hoc modo.

31. Primus Scrutator schedulas accessum in ea parte solum, quæ signa continet, aperiet, & inspectis earum sigillis & signis, apertas, ac in filo, ut erant, insertas, tradet secundo Scrutatori, & secundus facta inspectione porriget tertio, qui alta & intelligibili voce, sigilla & signa prædictarum schedularum enunciabit, & annotabit in latere sinistro folii impreissi sub verbis: *Sigilla & Signa Accessum*, quam etiam annotationem facient cæteri Card. si voluerint, in simili folio impresso.

32. Deinde primus Scrutator, reliquis Scrutatoribus insipientibus, pro accessum prædictorum examine capiet schedulas Scrutinii, in iisque quæret si-

H 3 gilla

gilla singularum schedularum accessum.
eoque aliquo invento, aperiet Scrutio
schedulam in ea parte, ubi signa sunt
& si non invenerit, signa hujus sche-
dulæ concordare cum signis accessu
schedulam illam relinquet, & alias
capiet, si vero invenerit signa conco-
dere, ostendet illa secundo & tertio
Scrutatoribus, qui post diligens ex-
amen super identitate sigillorum & signi-
rum utriusque schedulæ, Scrutinii scilicet
& accessus, simul inspicient, an idem vi-
diversi in utraque schedula sint nomi-
ti; Et si idem nominatus sit, suffragium
accessus nullum censebitur; Si vero vi-
diversi nominati sint, suffragium accessu
pro valido habebitur, & hoc casu, te-
tius Scrutator sigillum & signa schedu-
læ Scrutinii, ac etiam nomen electi, q[uod]
in ea continetur, alta & intelligibili vo-
ce enunciabit, & annotabit in lateri
dextero prædicti folii impressi, sub verbo
Signa Scrutinii respondentia accessibus
Quam annotationem cæteri quoque Ca-
dinales, si voluerint, in simili folio im-
presso facient. Sed res elucidabitur
exemplo infra posito.

Exemplum.

Folii impressi, in quo Accessus, & Scrutinii Sigilla ac Signa concordantia annotantur.

Sigilla, & Signa	Sigilla, & Signa	Cardinales no-
Accessuum	Scrutinii, Access-	minati in
A C D. 43. DEUS	fibis respon-	Scruti-
B R F. 32. Bonitas.	dentia.	nio.
R G I. 50. Beatitu-	B R F. 32. Bonitas	Card. S. Euseb.
do.	R G I. 50. Beati-	Card. S. Sixti.
N S P. 26. Gloria.	tudo.	

33. Quod si fortasse in ista inquisitione contingat, duas vel plures schedulas Scrutinii, reperiri cum eisdem sigillis, & signis alicujus schedulæ accessus, tunc si in eārum aliqua electus nominatus fuerit, in alia vero alias, primus Scrutator, reliquis Scrutatoribus similiter inspicientibus, Scrutinii schedulas hujusmodi, & schedulam accessus, in ea etiam parte, in qua est nomen eligentis, & accedentis aperiet, ut constare possit secundum Gregorianam Constitutionem, de validitate accessus; Si vero in aliqua hujusmodi schedularum Scrutinii concordantium cum accessu, non sit nominatus electus debent eae schedulæ omitti, & ad subsequens procedendum erit.

34. Quin

34. Quintus actus Post-Scrutinii est numeratio suffragiorum vel Scrutinii solius, vel Scrutinii & accessus, quæ si semper per Scrutatores, ut sciatur anno Scrutinio & accessu habeatur Papa nec non. Fit autem hæc numeratio hō modo: Scrutatores in unam summam redigent suffragia, quæ quilibet nominatus in Pontificem obtinuit, sive in Scrutinio solo, sive in Scrutinio, & accessus simul, & si invenerint, nullum ex nominatis ad duas tertias partes suffragiorum pervenisse, non habetur Papa in illo Scrutinio, sive Scrutinio & accessu. Si vero invenerint aliquem ex nominatis, duas tantum partes suffragiorum obtinuisse, aperient electi schedulam, etiam in parte, in qua est nomen eligentis, & si quidem in ea suffragatus fuerit alter electio ejus erit Canonica; Si vero si suffragium dederit, ejus electio ex dispositione Gregorianæ Constitutionis nullus erit, ob defectum unius suffragii. Sed si plures duas tertias partes, vel ultra duas tertias obtinuerint, tunc in suffragiorum paritate, nullus erit electus, in imparitate vero, ille est Canonicus Papa, qui superat alium, etiam in uno suffragio.

35. Ex

35. Sextus actus Post-Scrutinii, est Recognition, quæ per Recognitores, sive secuta sit electio, sive non, fiet, inspi- ciendo tam schedulas scrutinii & acces- sus, quam suffragiorum annotationes factas per Scrutatores, ut per hujusmo- di recognitionem constare possit, an Scrutatores fideliter muneri suo satisfe- cerint. Recognitores autem extrahe- tur sorte, uti Scrutatores & Infirmarii. Sta- tim quidem post Scrutinium, si secuta sit in eo electio; Si vero non sit secuta, post Scrutinium & accessum, cum scilicet Scrutatores suum impleverint munus per numerationem; Et haec extractio fiet, sive secuta sit electio in Scrutinio & accessu, sive non.

36. Postremus actus Post-Scrutinii est combustio omnium schedularum, quæ semper & palam per Scrutatores fiet, ac statim post recognitionem, sive electio sit secuta, sive non. Atque haec servan- da sunt in omnibus Scrutiniis, sive fiant mane post Missam, sive Vespere post Hymnum: *Veni Creator Spiritus*; Sunt- que Ritus desumpti ex novo Cære- moniali Romano & ex præscripto Constitu- tionis Greg. XV. in electione Rom. Pon- tificis observandi; Utrumque & Cære- mo-

moniale & Constitutionem Gregorii confirmavit deinde Urbanus VIII, Const. 4.
Ad Romani.

§. 7.

Quæ fiant post Electionem Pontificis.

1. Post electionem petitur consensus electi.
2. Priusquam is detur nomine Electi & Cardinalium omnia administrantur.
3. Non est necessaria Confirmatio.
4. Electus imponit sibi nomen.
5. Vestitur habitu Pontificali.
6. Et præstatur consueta Obedientia.
7. Annunciatur electio populo.
8. Prandent Cardinales.
9. Fit secunda Salutatio in Conclavi, & terti in templo S. Petri.
10. Pontifex benedicit Populo & Collegio Cardinalium.
11. Post aliquod dies fit coronatio.
12. Et si electus non fuerit Episcopus, consecratur.

I.

Postquam peracta est ritu supradicto Summi Pontificis electio, accedunt ad electum Decanus Collegii & duo capitula Ordinum, vel iis per morbum impeditis

peditis alii tres in Ordine antiquiores, rogantque nomine Sacri Collegii ut Pontificatum acceptare velit; Consensus enim electi accedere debet. *Bonac. de elect.*
Pont. q. 2. n. 9. & si absens sit, pro eo impetrando mittendi sunt à Collegio Cardinalium deputati; Interim priusquam absens consensum præstiterit, neutiquam consenda est Sedes Apostolica simpliciter yicare, nec liberum erit Cardinalibus, facta unius electione ab ea recedere, antequam constet electum acceptare nolle Pontificatum.

2. Necessaria vero ad rectam gubernationem expedienda sunt à Cardinalibus suo & nominati Pontificis nomine, donec de ipsius consensu constituerit, prout in electione Adriani VI. factum suisse refert ex Bonacina Barbosa *l. 1. j. 12.*

3. Electo vero Pontifici non est necessaria confirmatio. *Lavor. tit. 4. c. 12. n. 19.* quia hæc fieri debet per superiorem quam Papa nullum in terris habet. *Parissus de resign. benef. l. 7. q. 5. n. 1. & 2.* Ideo que statim ac electus est Papa plenam habet ac liberam administrationem. *Glos. v.* & dispensandi in eap. 1. dist. 23. & dum eligitur, confirmatus esse censetur. *Glos. fir. in c. Licet de vitandæ, de elect.*

4 Post-

4. Postquam electioni consensum præstit Pontifex, rogatus à Magistro Cæremoniarum, quo nomine appellari placet, aliud sibi nomen adsefecit, ad instar Principis Apostolorum Petri, qui antea Simon dicebatur. *Böet. Epo. l. I. de regal. n. 211.*

5. Deinde deducitur electus à duobus Card. Diaconis post altare ejusdem Capellæ, ubi adjuvantibus Sacrista & Magistris Cæremoniarum exuitur vestibus Cardinalitiis, induiturque habitu Pontificali, nimirum: Calceis cum cruce aurea, veste talari, subtana dicta ex serico ormesino, rochetto, mozzetta & bireto ex serico rubro.

6. Postea deductus ante Altare sedens in Cathedrâ suscipit salutationem, vulgo adorationem osculo manuum, pedum & oris.

7. Quo facto Diaconus primus præcedente Magistro Cæremoniarum cum Cruce & Musicis Capellæ cantantibus: *Ecce Sacerdos Magnus* vadit ad pergulam Basilicæ Vaticanæ, ex qua perfracto muro denuntiat populo expectanti in area electionem novi Pontificis altâ voce dicendo: *Annuncio vobis gaudium magnum: Habemus Pa-*

pam

pam Eminentissimum & Reverendissimum D. Antonium Pignatelli qui sibi nomen imposuit Innocentium undecimum. Quod nuncium excipiunt statim faustæ populi acclamations, bombardarum in areâ explosiones, majorum machinarum in arce S. Angeli fragores, & solennis Campanarum per Urbem compulsatio, mittunturque ad Palatium electi Pontificis aliquot cohortes militum, qui id ab irruptione populi defendant.

8. Interim Pontifex & Cardinales in Conclavi se prandio reficiunt, si electio facta fuerit mane, & Conclave apertitur.

9. Paulo post revertuntur Cardinales ad Capellam, & secundam faciunt salutationem, seu adorationem Papæ habitu pontificali induito. Qua finita statim, si fuerit circa meridiem si vero circa Vesperum, altero mane, praecedente Magistro Cæremoniарum cum Cruce & Musicis Capellæ, portatur in sede Pontificali ad S. Petrum, poniturque supra Altare majus, ubi tertia vice salutatur osculo pedis, manus & oris modo supradicto à Cardinalibus. Interim cantatur à Musicis Hymnus Ambrosia-

brosianus ; Peracta adoratione & finito Hymno cantat S. Collegii Decanus versiculos quosdam & orationem.

10. Deinde descendit Pontifex ex Altari & deposita per Diaconum assistentem mitrâ versus ad Populum , dat Benedictionem , atque impositâ iterum per alterum Diaconum assistentem mitrâ descendit ex gradibus Altaris , & data hinc inde Cardinalibus , benedictione deportatur ad Palatium Vaticanum.

11. Post aliquot deinde dies coronatur Pontifex in Basilica S. Petri ab antiquiore Diacono Cardinali ; Ac subinde constituto die possessionem capit Episcopatus in Ecclesia S. Joannis Lateranensis.

12. Quod si Pontifex electus Episcopus non fuerit , consecrari debet à Cardinali Episcopo Ostiensi qui tunc Metropolitan vice fungitur . c. 1. dist. 23. assistentibus ei Portuensi & Albanensi Cardinalibus , Episcopis. Sed hoc tempore teste Barbosa lib. 1. cap. 2. num. 116. iur. Eccles. Decanus Collegii Cardinalium id est , primus inter Episcopos , quamvis non sit Ostiensis , hoc munus cum aliis duobus Senioribus Episcopis obire solet.

CA.